

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐԴԱՐԱԴԱՏՈՒԹՅԱՆ ՆԱԽԱՐԱՐՈՒԹՅԱՆ
ՔՐԵԱԿԱՏԱՐՈՂԱԿԱՆ ՀԻՄՆԱՐԿՆԵՐՈՒՄ ԵՎ ՄԱՐՄԻՆՆԵՐՈՒՄ
ՀԱՍԱՐԱԿԱԿԱՆ ՎԵՐԱՀՍԿՈՂՈՒԹՅՈՒՆ ԻՐԱԿԱՆԱՑՆՈՂ
ՀԱՍԱՐԱԿԱԿԱՆ ԴԻՏՈՐԴՆԵՐԻ ԽՈՒՄԲ

GROUP OF PUBLIC MONITORS IMPLEMENTING SUPERVISION
OVER THE CRIMINAL-EXECUTIVE INSTITUTIONS AND BODIES
OF THE MINISTRY OF JUSTICE OF RA

N 10-38
17.11.2010թ.

ՀՀ Արդարադատության նախարար՝
պարոն Գ.Դանիելյանին

ՀՐԱՏԱՊ ՀԱՇՎԵՏՎՈՒԹՅՈՒՆ

Հարգելի պարոն նախարար,

2010 թվականի Նոյեմբերի 15-ին Դիտորդական խմբի անդամներ՝ Լատուրա Գասպարյանը և Լուսինե Հարությունյանը այցելել են ՀՀ ԱՆ Կոշ ԶԿՀ՝ ստուգելու լրատվական միջոցներով դատապարտյալ Նիկոլ Փաշինյանի նկատմամբ բռնությունների վերաբերյալ հայտարարությունների մեջ նշված հանգամանքները:

Այցելության ժամանակ պարզվել է, որ դատապարտյալ Նիկոլ Փաշինյանի ձախ բազուկի դրսային միջին 1/3 հատվածում նկատելի է կապտուկ /կապտականաչադեղնավուն երանգով/ 3-4սմ չափերով, նախաբազկի դրսային ստորին 1/3-ում հայտնաբերվել է թույլ արտահայտված այտուց: Դատապարտյալի պնդմամբ նկարագրված տեղում, մազածածկույթի տակ, նույնպես եղել է կապտուկ, բայց խցի ադոտ լույսի ներքո խմբի անդամները դժվարացել են արձանագրել այն:

Դատապարտյալ Նիկոլ Փաշինյանի պնդմամբ կապտուկներ են եղել նաև ձախ սրունքի կողմնային-դրսայի շրջանում, ինչպես նաև մեջքի ձախ կողմնային շրջանում, որոնք խմբի անդամների կողմից չեն հայտնաբերել:

Դատապարտյալի պնդմամբ կապտուկներն ի հայտ են եկել հայտնի դեպքից ժամեր անց: Ըստ դատապարտյալի, իրեն հասցված հարվածները եղել են վերմակի վրայից /դատապարտյալը ծածկված է եղել վերմակով/:

Դատապարտյալը եղել է աջ կողմի վրա պառկած, որի պատճառով հարվածներն ստացել է ձախ կողմից: Խմբի անդամների այցելության պահին վերմակը տեղափոխված է եղել հետաքննիչի մոտ, որի մասին կազմվել է համապատասխան արձանագրություն:

Սույնով, Ձեր ուշադրությունն ենք հրավիրում Դիտորդական խմբի անդամների կողմից արձանագրված մարմնական վնասվածքների փաստերին և մեր տարակուսանքն ենք հայտնում, մամուլում հրապարակված այն տեղեկությունների վերաբերյալ ըստ որոնց դատաբժշկական փորձաքննության արդյունքում Նիկոլ Փաշինյանի մարմնի վրա որևէ վնասվածք չէր հայտնաբերվել:


Ելնելով վերը շարադրվածից դիմում ենք.

- տեղի ունեցած դեպքի առնչությամբ համապատասխան միջոցներ ձեռնարկելու, օբյեկտիվ և բազմակողմանի քննություն իրականացնելու հարցով,
- ինչ միջոցներ են ձեռնարկվում դատաբարտյալ Նիկոլ Փաշինյանի և մյուս ազատազրկված անձանց անվտանգության ապահովման ուղղությամբ:

Խնդրում եմ արդյունքների մասին գործող կարգի համաձայն հայտնել դիտորդական խմբին:

Կանխավ շնորհակալ եմ,

ՀՀ ԱՆ ՔԿՀ Հասարակական վերահսկողություն
Իրականացնող Հասարակական Դիտորդների
Խմբի նախագահ



Ա.Սարունց